

1738,9

M
152

FACULTATIS JURIDICÆ
DECANVS,
CONR. WILHELMUS
Strecker, JCTUS,

PRÆFATÆ FACULTATIS ET JVDICII
ELECTORALIS PROVINCIALIS ASSESSOR, PRO-
FESSOR COD. PVBLICVS ORDINARIVS, CI-
VITATIS SYNDICVS ET CONSVL
PRIMARIVS,

AD

AVDIENDAM LECTIONEM CURSORIAM

ad L. minime 23. ff. de LL.

ET

DISSERTATIONEM INAUGURALEM

AD DIEM V. JVLII, MDCCXXXVIII.

LECTOREM BENEVOLVM

PERHVMANITER INVITAT.

de gemino conceptu aquitatis

ERFORDIÆ,

Typis JOHANNIS CHRISTOPHORI HERINGII,
Acad. Typogr.

FACULTATIS IURIDICAE
DECANVS
GOTTWILHELMVS

IN RE FERRE FACULTATIS IURIDICAE
PRO

AD ACADEMIAM

HALEM

PROFESSORVM

AD ACADEMIAM



Jurisconsulti æquitatem universi orbis Regiam libenter agnoscunt, hæc enim nihil aliud est, nisi quædam mitigatio legis scriptæ in hac vel illa circumstantia propter personarum, rerum ac temporum vel incidentium casuum varietatem, & ita æquitas Theologis & Canonistis Epikya vocatur, ac proinde juris medulla, germanaque justitia rectè appellari & dici poterit, cujus ratio ex sola animi & judicii deliberatione secundum negotiorum formulas dependet, & sicuti rerum humanarum vicissitudo non cessat, & incerta manet, donec & quousque in hoc vel in illo casu sese exserit; ita nec æquitatis usus certo fine describi poterit, sed juxta casus incidentis circumstantias praticari debet. Hinc & rectè fundamentum interpretandi dicitur, quod enim ad verum justitiæ cultum pertinet, id ex æquo & bono interpretatur, quod tunc efficiemus, cum voluntatem potius, quam scriptum & quod benignius sequimur, cum quod omissum est, suppletur, & generaliter, quidquid recta ratio suadet, perficitur. Nam quandoquidem propter negotiorum casuumque emergentium varietatem & amplitudinem necessarium erat, ut lex ferretur de iis tantum, quæ frequenter accidunt, nec comprehendi poterant omnes factorum articuli, *L. 10. § 12. ff. de LL.* ideo subintrat æquitas, per quam constanti voluntate in hujusmodi casibus nominatim ac principaliter non comprehensis, deliberandum erit, quid pronunciandum sit, ut ita latissimum sit æquitatis officium, ac etiam interpret

omnium legum, eo saltem fine, ut sine vitio accipiantur & cum opus fuerit flectantur ad levio-rem sententiam. Sic æquitas omne scriptum, dictumque interpretatur & emendat, ex quo jus emanat, quod æquum & bonum dicitur nullo scripto comprehensum, sed in sola ratione consistit, rigorem justitiæ dulcore misericordiæ temperat, ex rerum convenientia cuncta coæquat, & in paribus causis paria jura desiderat, tanquam medium inter severitatem & benignitatem regit misericordiam & rigorem, tanquam Regina juris & optimus legum justitiæquæ clypeus, tanquam theriaca contra venenum, tanquam regula Lesbia & rectitudo judicii naturalem sequitur rationem, & tanquam murus semiramidis omnia benè æquiparat. Verum licitum haud est prætextu æquitatis à lege seu mente legis recedere, quippe qui aliter atque certo jure constitutum est, circumstantia nihil variante, judicat, sententia nullitate laborat. Plurima alia ad materiam æquitatis bonæque legum interpretationis huc spectantia occasione *L. 23. ff. de LL. loco lectionis cursoriæ* sibi electæ uberius publicè ex cathedra pertractabit

PRÆNOBILIS ET CLARISSIMVS

DOMINVS

LVDOLPHVS GVILIELMVS
LILIEN,

Jurium Candidatus meritissimus,

De cujus natalibus & studiorum cursu sequentia nobis relata sunt. Hic enim Erfurti primam mortalium lucem adspexit anno salutiferi partus MDCCXVI. die XII. Jul. Patre oriundus est Viro Præ-Nobili & Consultissimo Dn. GABRIELE HENRICO LILIEN, præ-
senti

senti rerum cursu in hac nostra Academia J. V. D. ejusdemque Facultatis juris publici P. P. Ordinario, & Elector. Mogunt. provinc. Jud. Assessore &c. Matre verò CATHARINA MAGDALENA LILIEN, ex generosa de STREITHORST familia prognata, cujus nempe parens, & ita præfenter nominandi avus maternus GEORGIVS GVILIELMVS de STREITHORST, Ducatu Brunsvigo Guelferbytano profapiam suam deducens, nobili jurisdictione hæreditario jure in Erdeborn, equestrem comitatus Mansfeldensis Sedem gaudens; quod generosis pro gloria ducitur, inter arma pro patria florere voluit: Prima itaque merita sua edidit sub Hanoverano Duce JOANNE FRIDERICO, qui Venetias iter facturus Augustæ Vindel. M DC LXXIX. naturæ debitum solvit; fratre deinde ejus ERNESTO AVGVSTO, gloriosiss. mem. cui ob insignia in Imperatorem merita nonus Electoratus obtigit, succedente, hujus sub regimine equitatu Chiliarchi Vicarius, qui consueto vocabulo Obrist-Lieutenant appellari solet, in regimento Generalis de BVDEWILZ præfuit.

Avum paternum p. m. monstrare potest MELCHIOREM LVDOLPHVM LILIEN, J. V. D. Decretalium Prof. Publ. Elector. Regim. Consiliar. Elector. Provinc. Jud. Assessorem Seniore, cui nuptiis conjuncta fuit ANNA MAGDALENA à SODEN, JOANNIS HERMANNI à SODEN p. m. Hanovera originem trahentis, J. C. Facult. nostr. quondam Assessoris & Prof. Publ. Electoris Mogunt. Regiminis Consiliarium, Jud. Provinc. Assessor. nec non Collegii Saxonici Decani filia. Superiori gradu paternam stirpem attingentes majores Marpurgi, quatenus adhuc notitia superest, solum natale domiciliaque habuerunt, inde erumpentis tunc temporis

poris belli flammis excussi terramque mutare coacti, Italiam, ut memoriæ fama jamjam restat, se contulere, ex quibus duo præ ceteris sub communi Umbriacensium fratrum nomine noti, ANTONIVS & ALOYSIVS LILII, quorum consilio suafuque Pontifex MAXIMVS GREGORIVS XIII. novum Calendarium Gregorianum dictam MDLXXXII. introduxit: Utrumque horum prædictus Papa pro tam magnis sibi que gratis in Astrologia exantlatis laboribus, accedente Imperatoris RVDOLPHI nempe II. auctoritate, nobilitate insignivit. Distinctas duas lineas hi constituerunt, quarum prior ANTONII, scil. LILIEN de ROSATE, qua nostra familia constitutrice gaudet, altera ALOYSII, LILIEN de ROSENFELS nomine usæ sunt. Abavus igitur illius CONRADVS LILIEN de ROSATE Hildesfæ habitavit simulque Romæ civitatis jus nactus est. Insignia suæ nobilitatis, quibus adhuc uti refert, habuit duo Gallici idiomatis cœrulea lilia in aureo & duas proprii coloris Rosas in albo campo. Unus ex hac familia Liberi Baronis dignitate donatus, Hamburgi universalis matris gremium occupavit. Proximo ab hoc gradu descendens, proavus scil. ejus JOANNES LVDOVICVS LILIEN proprio lubito circumspæctisque sibi causis, cum scil. crudeliter grassantis belli calamitates bona ejus miserè attrivissent, ex genere eveniente nobilitatis gloria præcedentiaque abstinuit, contentus doctrina acquisita nobilitate gaudere, cujus vestigiis adhuc insistit. Sed, ut à prima nativitate fata sua prosequatur; Sacrae fontis, pro more Christianæ Ecclesiæ, piorum parentum cura susceptores sibi fuere: ante nominatus avus paternus p. m. Summe Reverendus ac Generosus Dn. de LAGEN, Seren. Ducis Saxo-Leucopetræ in Ecclesiasticis
Con-

Confiliarius, nec non Generosus Dn. de SCHVLEN-
BURG, Dn. hæreditarius ad Schockvviz, nobilem Bran-
denburgicæ ditiois sedem. Procedente deinde tem-
pore in prima cura prælaudati parentes habuere, pri-
ma Christianæ religionis fundamenta instillare, ulterio-
ri mox successu præceptoribus bonis artibus litterisque
privata diligentia erudiendum illum tradiderunt, quo-
rum fideli ductu, parentis pia inspectione magis excitati
eo progressus fuit, ut A.R.S. MDCCXXIX. Senatorium
hujus loci Gymnasium frequentare potuerit; ubi ferè
biennali spatio celebrioris famæ D. STIELERI, J. V. D.
tanquam Directoris, cæterorumque præclarorum Dn.
Professorum doctrina imbutus, ad Summe Reveren-
dum Dn. OLEARIVM, Principis Schvartzburgici Su-
perintendentem, Consistorii Arnstadiensis Assessorem
& Pastorem primum longe meritissimum, ad ulte-
riores in humanioribus profectus faciendos se contulit.
His stabilitis institutionibus, dignus tandem à patre al-
terioribus Academicis scil. studiis judicatus, re ipsa pro-
viribus prosequi haud omisit. In Gallicis Reverendi
Dn. LOZZEN, Diaconi Regularium, & in Philosophicis
Prænobil. atque Doctissimi Dn. MOTSCHMANNI,
Phil. P. P. ejusdemque Facult. Assessoris extr. præclara
doctrina haud spernendo fructu usus: Jurisprudentiæ
deinde cultui se consecrare cum animus erat, præ cæ-
teris fidelissimæ piæque colendæ genitoris privatæ ma-
nuductioni ingenii sui vires hoc in studio impendebat,
ejus indeficiente diligentia etiam IV. Imper. Inst. Libr.
ut & Pandect. juxt. Lauterbachii Comp. explicationem
hausit. Sic etiam Jur. Publ. lectione prævit ac docuit
nempe Jacobi Lampadii tract. de Republica Romano-
Germanica. Nec tamen aliorum lectiones, tam pu-
blicas

blicas quam privatas seposuit, sic enim inter privatas paternis lectionibus adjunxit Prænobilis & Consultiff. Dn. RUMPELII, J. V. D. Adv. Ordin. explicationes in Boehmerum ad ff. In publicis verò inprimis Magnificum, Prænobilem & Consultiff. Dn. ROTERMUNT, J. V. D. Prof. Decretal. publ. ord. Elector. Regim. Consiliar. &c. ad prædictas Decretal. Epist. cum insigni profectu audivit. Et Præ-Nobilis Consultiffimiquè Dn. SCHORCH. J. V. D. P. P. O. Facult. Jurid. & P. Reverendi Minist. Assessoris &c. suavissimâ in tractandis Academicis lectionibus methodo, publicam Imper. Inst. explicationem audiendo, magno cum fructu usus fuit. Tandem me Decanum jus feudale non minùs ac Constitutiones Criminales explicantem maximè laudabili cum diligentia percepit. Quibus studiis strenuè absolutis, ut meritum studiorum suorum bravium reportaret, ab Ordine nostro ad consuetum Doctorandorum examen admitti decenter petiit, laudabili petitioni annuit facultas, textus ex utroquè jure interpretandos ei communicavit, quos solidè explicavit, atque difficultates ex utroque jure propositas tam promptè, tamquè doctè enodavit, ut unanimi consensu supremis jurium honoribus dignissimus fuerit judicatus. Proindè ad reliqua specimina inauguralia admissus, proxima die V. Julii lectionem cursoriam ad præcit. *L. 23. ff. de LL. & disputationem inauguralem*

DE

CLAUSULA CODICILLARI IN TESTAMENTO EXPRESSA, ET PRÆPRIMIS SVBINTELLECTA

habebit. Quibus actibus ut Magnificus Universitatis Rector, omniumque facultatum Decani, Assessores, Professores, reliquiquè Cives Academici, præprimis nobilissima Studioforum corona interessè velint, decenter & officiosè rogantur, invitantur. Publicatum sub Sigillo Facultatis Jurid. die XXXIX. Junii MDCC XXXVIII.

(L. S.)

Erfurt, Diss., 1730


ULB Halle
005 367 816



3

V018







1738,9 M 152

FACULTATIS JURIDICÆ
DECANVS,
CONR. WILHELMUS
Strecker, JCTUS,

PRÆFATÆ FACULTATIS ET JVDICII
ELECTORALIS PROVINCIALIS ASSESSOR, PRO-
FESSOR COD. PVBLICVS ORDINARIVS, CI-
VITATIS SYNDICVS ET CONSVL
PRIMARIVS,

AD
AVDIENDAM LECTIONEM CVRSORIAM
ad L. minime 23. ff. de LL.

ET
DISSERTATIONEM INAUGURALEM
AD DIEM V. JVLII, MDCC XXXVIII.
LECTOREM BENEVOLVM
PERHVMANITER INVITAT.

de genuino conceptu acquitatis

ERFORDIÆ,
Typis JOHANNIS CHRISTOPHORI HERINGII,
Acad. Typogr.